

# C'hoariomp !


## ar wezenn gaer

Klaskit ar gerioù a zere, skrivit anezho goude-se er wezenn.

Dindan **ar bir** e vo kavet ganeoc'h anv ar wezenn.

1. n'eo ket yaouank    2. n'eo ket pinvidik    3. n'eo ket mat    4. n'eo ket uhel  
5. n'eo ket sec'h    6. n'eo ket tomm    7. n'eo ket tev    8. n'eo ket bras

*Chercher les mots qui correspondent aux définitions, remplissez ensuite les cases correspondantes.  
En suivant la flèche, vous trouverez le nom de l'arbre.*



© Jeanne09

## milendall Gwenrann

Lavaret e vez e oa ur milendall gwechall, e-kreiz kastell Gwenrann...

Setu ur milendall all evidoc'h : evit e dreuziñ ho po da gavout ar gerioù **kuzhet dindan an terme-nadurioù** da heul. An darn vrasañ eus ar gerioù-se zo er pennad diwar-benn Gwenrann [p.10-11]. Emañ mont e-barzh ar milendall dre al lizherenn **M** hag ar mont e-maez dre al lizherenn **R**. Un draig c'hoazh : lizherenn **gentañ** pep ger zo lizherenn **zivezhañ** ar ger a-raok. Deomp dezhi !

*On dit qu'il y avait autrefois, au centre du château de Guérande, un labyrinthe.*

*En voici un autre rien que pour vous : pour le traverser vous devrez trouver les mots cachés sous les définitions suivantes. Chaque mot débute par la dernière lettre du mot précédent.*



1. er c'homôg da Wenrann > **meurvor**
2. Nevenoe ha Salaun a oa > **roueed**
3. Yann IV a oa un > **dug**
4. hini ar Briver > **geun**
5. tost > **nes**

6. e laez an ti > **solier**
7. klasket gant an annezidi en iliz Sant-Albin > **repu**
8. er govent-se e vezent gwelet > **ursulinezed**
9. lesanv ur vilin zo e Gwenrann > **Diaoul**
10. stêr vras er c'hreisteiz da Wenrann > **Liger**

# C'hoariomp !

## deiz-ha-bloaz Gwennyn



tresadenn © Vaniaplatonov

Nevez erru eo Gwennyn er skol ha daou gamalad nevez he deus kavet diouzhtu: Alan ha Brendan. Fellout a ra dezho gouzout pegoulz e vo lidet he deiz-ha-bloaz.

Reiñ a ra Gwennyn un dibab deiziadoù dezho :



15 a viz Mae

16 a viz Mae

19 a viz Mae

17 a viz Mezheven

18 a viz Mezheven

14 a viz Gouere

16 a viz Gouere

14 a viz Eost

15 a viz Eost

17 a viz Eost

Da c'houde e lavar Gwennyn da bep hini, e pleg e skouarn: **ar miz da Alan, an deiz da Vrendan.**

**Neuze e lavar Alan:** "N'ouzon ket pegoulz emañ deiz-ha-bloaz Gwennyn met gouzout a ran ne oar ket Brendan kennebeut". **Respont a ra Brendan:** "Ne ouien ket, gwir eo. Met bremañ e ouzon."

"Ha bremañ e ouzon ivez" **eme Alan.**

**Deoc'h-c'hwil da gavout ivez :** pegoulz e vo deiz-ha-bloaz Gwennyn ?

Alan a oar ar miz ha Brendan, an deiz.

### Pazenn gentañ

"N'ouzon ket pegoulz emañ deiz-ha-bloaz Gwennyn met gouzout a ran ne oar ket Brendan kennebeut". Gant lodenn gentañ e frazenn e weler ez eus meur a zeziad bep miz ha re nebeut a ditour a zo bet roet evit gallout kavout an deziad evit c'hoazh. Koulskoude e lâr Alan ne oar ket Brendan kennebeut.

Klaskomp gant peseurt deiziadoù en dije gallet Brendan kavout ar respont: an 19 a viz Mae hag an 18 a viz Mezheven. Ken kadarn eo Alan peogwir n'eo na miz Mae na miz Mezheven a zo bet lâret dezhañ.

### Eil pazenn

"Ne ouien ket, gwir eo. Met bremañ e ouzon". Brendan en deus komprenet evel-domp ne c'hall ket bezañ deiz-ha-bloaz Gwennyn e miz Mae nag e miz Mezheven. Ma lâr e anav an deziad e c'hallomp soñjal n'eo ket ar 14 a zo bet roet dezhañ mod-all n'en dije ket gallet choaz etre ar 14 a viz Gouere hag ar 14 a viz Eost. An deiziadoù a chom a zo ar 16 a viz Gouere, ar 15 hag ar 17 a viz Eost.

### Trede pazenn

"Ha bremañ e ouzon ivez". Degouezhet eo Alan d'ar memes poent ha ni. Gouzout a ra n'emañ ket deiz-ha-bloaz Gwennyn d'ur 14. M'en deus kavet Alan ar respont e sinifi ne chom nemet un deiz er miz a zo bet roet dezhañ: ne c'hall ket bezañ ar 15 hag ar 17 a viz Eost. Deiz-ha-bloaz Gwennyn zo neuze : d'ar 16 a viz Gouere!

